

78654
7

Q. D. B. V.

ΔΙΑΣΚΕΨΙΣ HISTORICO-
PHILOLOGICA
DE

CAPILLAMENTIS

Vom
Barucken /

Quam
Inclytæ Facultatis Philosophicæ Con-
sensu in Majori Principum Collegio

sub
PRÆSIDIO
VIRI CL.

M. VALENTINI FRIDERICI,
SS. Theol. Baccal. Facult. Philos.

Adfessoris,

*Dn. Fautoris ac Præceptoris sui omni honoris cultu
æviternum prosequendi,*

publicæ Eruditorum cynosuræ subjiciet

AUTOR

VALERIUS Erfurth / Weissenfelsensis,

Magisterii Candidatus,

ad diem XXII, Januar. ANNO

τῆς τῆς λόγος ἐνανθρωπήσεως

clō Iōc LXXIII.

LIPSIÆ,

Typis JOH. ERICI HAHNII,

7865K

Lucianus:

Τὸ Φιλόκαινον πᾶσιν ἀνθρώποις ὑπάχει.



ἔϋ! ἔϋ!

Clarissimum illud a) Clarissimorum Athe-
niensium, A'νευ προοιμίας καὶ παθῶν, hâc et-
iam vice nobis dictum arbitrati, rem meritò
ipsam, sequenti processuri ordine, statim adgre-
dimur. Sit itaq; abjectò omni longioris antelogii,
ἔϋν θεῶ παλάμη

CAPUT PRIMUM

De

CAPILLAMENTORUM

ONOMATOLOGIA.

§. I.

Neq; ἀναίτιως. Si enim, juxta *Horatianum* illud, vel b) coecus
adspiciendus est, si, quid svadeat, quod non sit inutile; quidnā
potius ille τῆς ἀληθείας Φιλόσοφος c) qvò nemo doctior d) nemo
A 2 acii-

a) Hoc præco qvondam in concione dicturis fuggerebat. De qvo amplissi-
mum illud cornu copiae *Adag. Erasmi*. compluribus. b) *Horatius* l. i. *Epist. ad*
Sæb. 6. 4. Non ergò semper valet Græcorum illud tritissimum: Μήτε τυφλὸν
ὁδηγόν, μήτε ἀνόητον σύμβουλον: Siqvidem, juxta *Hesiodum*:

Πολλὰ κὶ κηπωρὸς ἀνὴρ μάλα καίρων εἶπεν.

Adnot. A. Gell. noct. Attic. l. 2. c. 6. f. m. 19. edit. *Argent.* Cui suffragari videtur Cice-
ronianum illud: Summi Imperatores non nunquam magnis in tempestatibus
admoneri solent. in qvæst. *Tusc.* vid. etiam *Sophocli. in Trachin.* v. 60. c) *Aristo-*
teles, sic nuncupatus à Præceptore suo, Platone, qvem per viginti annorum spa-
cium audierat. Cujus vit. descr. *Plut. fol. m.* 385. seqq. ut & *Phil. Mel. tom. 3. præf. in*
orat. paneg. p. 359. seqq. d) *Ursi.* l. 3. coll. 5. Reliqua ejusdem encomia Electa Scalige-
rea h. e. *Julii Cæsaris Scalig. sententiæ, præcepta, definitiones, axiomata ex uni-*
versis illius operibus selecta operâ Irabyrionis, tanquam in fasciculo qvodam
omnia exhibent p. 61. seqq.

acutior, nemo in rebus vel inveniendis, vel judicandis accuratior, πρὸς τὸ, λέγων, διδάσκειν δὲ πρῶτως ἐξελάσει τὰ ὀνόματα. e) Præsertim quum his cedrō dignissimis id svadeat, qvōd non solum ante ipsum omnium Sapientissimus f) *Socrates*, omnium oculatissimus g) *Plato*, verum multi post ipsum qvoq; b) alii non utiliter minus, qvām sapienter observare consueverunt.

§. 2. Qvōd primò igitur omnium hāc in nominis ἐξελάσει Etymologiam concernit, eam nec παιδὶ, qvōd i) ajunt, καὶ τυφλῷ γνώριμον εἶναι ambigo. Qvā ductus etiam causā paucis saltem, ne κακοζήλως forsan lynces videre docentem imitari videar.

§. 3. Deducitur ergō capillamentum ab Adjectivo verbali capillatus, i. e. multos seu longos crines habens, crinibus abundans. Sicuti inter alia hōc sensu descriptum conspicitur fictum illud Græcorum

e) l. i. prior. c. 1. Alibi sic: Δεῖ τοίνον τῶν ὀνομάτων ἕκαστον εἶναι γνώριμον &c. l. 2. Metaph. c. 5. f) σοφὸς σοφοκλῆς, σοφώτερος εὐριπίδης, ἀνδρῶν δὲ πάντων σωφώτατος ὁ σωκράτης. Hunc in modum Apollinem qvondam Chærephonti respondisse fertur, qvī literarum studio adeò deditus fuit, ut macilentiam ac pallorem inde contraxerit. Hinc φιλέλληνες insigniter studentem ac fudantem delineaturi, Οὐδὲν, παρρησιακῶς λέγεσσι, διαφέρεις τῷ χαριφῶντι. Cujus meminit *Suid.* g) *Philipp. Morn. de Ver. Relig. Christ.* c. 20. Hunc, Platonem scilicet, Romanæ eloquentiæ Parens tanti fecit, ut etiam dixerit, se malle cum Platone errare, qvām cum aliis verum dicere. Et idem de ejusdem dialogis, Si, inquit, Jupiter ipse oratione uteretur, non aliter, qvām Platonis dialogis esset locuturus. *Plut. in vita Cic. fol. m. 349. col. A. num. B.* Sic: *Philipp. tom. c. in vita Plat. pag. 349.* Insuper *Augustinus* notat, illum inter semideos qvondam prorsus fuisse numeratum. *lib. ii. de Civ. Dei c. XIV.* Verba Platonis ipsa huc quadrantia ita sonant: Πρῶτως τὸ τῆς Φωνῆς σημανόμεινον δεῖ ἐξελάσειν ὅς ἐστι γὰρ ὀνομασίωδης μεγάλην ἔχει ῥοπὴν πρὸς τὰ ἐπόμενα. In *Cratyl.* ὅς ἐστι ὀνομασίωδης καὶ πραγμασίωδης definitionem *Aristot.* præbet sequentem: Ὀνομασίωδης ἐστὶ λόγος σημαίνων τὸ ὄνομα, πραγμασίωδης λόγος τῷ πᾶσι ἢ ἑνὶ σημαίνων, *lib. 2. poster. c. 10. Topic. 1. c. 5.* b) Stoicorum plerique. *Kirchm. in lib. de annul. elegantissimo c. 1. p. 1.* *Isidorus Hispalensis*: Cum videris, inquit, unde ortum est nomen, citius vim ejus intelliges *lib. 1. orig. c. 26. p. 122. Scaliger* à nominibus auspicandum. *Exerc. 359.* i) Comicorum Ὀτραπελώτατος *Aristoph. in Plut. pag. m. 6 v. 49.* ubi hæc extant: τῷ τῷτο κρῖνεις, δηλονότι ἢ καὶ τυφλῷ

γνώριμα δοκεῖ τῷ, ὡς &c.

vid. supra laud. *Adag. sub tit. Perspic. f. 581. edit. Hannob.*

corum ac Romanorum *k)* simulacrum, his occasio, illis verò τὸ καὶρὸν adpellatum hōc πολυθρύλλητω: *l)*

Fronte capillata est, postica occasio calva.

Profluit autem ex verbo, eoq̄ve penè *m)* inusitato capillo, or, quod originem trahit à Nom. Subst. capillus, dicto nonnullis *n)* quasi capitis pilus. Cujus acceptionum diversitatem Lexicographorum, χειρωναγία passim quàm plurimis.

§. 4. Caterum non possum non attingere capillamentum Græcis audire τὸ τρίχωμα. Quod, juxta communem τῶν in μα definientium Analogiam derivatur à i. pers. præter. perfect. pass. τετρίχωμαι, capillatus, comatus sum redditus: ita enim videntur ii, qui ejusmodi τριχώμασιν utuntur, licet κατ' ἀλήθειαν tales non sint, quales externò quidem adspectu præ se ferunt. Thema à quo hoc formatur est τριχόμαι, ἔμαι, cuius Activum τριχόω, ὦ i. e. pilosum, capillatum, comatum reddo, capillos induco. Venit à vulgari Subst. θρίξ, capillus, crinis &c. dicto ἀπὸ τῆς θριξίν *o)* à metendo, demetendo, Ratio: quia capillus, quando detondetur, demeti quasi videtur.

§. 5. Circa Homonymiam observandum, capillamentum 1) accipi pro capillorum congerie *p)* reali, seu complexu *q)*. Quò nomine veniunt die Perucken/ Barücken/ Thouren/ Zöpfle/ Haarlocken. 2) pro capillamentis radicum & seminum, für *r)* kleine/ lange/ dünne Würlein/ die in den grossen neben zu/ oder unter sich wachsen/ die Zäferlein an Würkeln: Exemplum hujus præbet Columella *s)* isq̄; scriptor elegantissimus: Qui, inq̄uiens, in eo errabant, quò primi anni capillamenta radicum & seminum intacta patiebantur &c. 3) pro herba croci, quæ Plinius hanc saltem mentionem facit, *t)* quod sit folio angusto. 4) pro capillamento picto. §. 6.

k) Occasionem graphicè depictam offert Auson. in Epigr. quod incipit: Cujus opus? Phydæ &c. vid. etiam Posidipp. Epigr. à Lil. Giralda è Græca conversum, apud Gvid. Panceroll. p. m. 191. Item Alciat. Epigr. apud eundem p. 192. *l)* Reperitur inter moralia Catonis disticha, quæ tanto olim in precio fuerunt, ut etiam multos gravissimos ac doctissimos viros non puduerit, ea memoriter discere, vid. Scal. l. c. *m)* Usurpatur enim à Plinio. Polytrix, inq̄uiens, in viridi capillatur, sed comarum defluviū facere dicitur, cit. Calep. in dictionar. *n)* non omnibus. Sunt enim, qui simpliciter malunt à Caput. Quorum in numero etiam Martinus, velut ipse testatur in Lex. suo Phil. *o)* Scap. sub voce θρίξ. *p)* Mart. l. c. *q)* Egregia recēns Fabri editio omnium optimè. *r)* Thes. Lat. Lingv. Decim. *s)* L. Columella lib. 5. *t)* Plin. lib. 2. natural. histor. c. 6. fol. m. 348.

§. 6. Verum enim verò quum hæ ultimæ σημασίαι παρέσθην
 πρὸς χορδὴν ne quidem minimum: idcirco, missis iisdem, hanc
 tantummodo solam amplectimur, quā priori statim loco notabatur
 sine Βαρίττε / Ξhoureic.

§. 7. Nec prætereunda denique in Nominali hac nostra defini-
 tione ejusdem πολυνωμία, vel, ut Stoici loquuntur, Synonymia.
 Hæc enim imprimis gaudent sequentia: Galerius vel galerum u) ga-
 lericulum, w) caliendrum x) περιόμιον y) πηνίκη seu Φενάκη z)
 κρωβύλⓈ seu etiam παροξύλῳως aa) κρωβύλⓈ, κόρυμβⓈ, σκορ-
 πίοⓈ bb) κόμη πρὸς δεξιὰν, κόμη πρὸς αὐτὴν cc) futile ac textile capil-
 lamentum dd) crinis hypocriticus ee) coma insititia ff) capillus
 supposititiuus gg) coma ascita, ascititia hh) apposititia ii) falsus capil-
 lus

u) vid. Casaub. animadv. p. 495. in Svet. Ner. c. XXVI. p. 204. w) Ejusd.
 animadv. p. 536. in Othon. c. XII. p. 224. x) Papias: Caliendrum, capillatura, sup-
 posititiuus crinis pro naturali ornatu capitis: vel, quod ad ornandum crines capitis
 utuntur, refer. Mart. Horatium priori sensu usum fuisse, quando cecinit:

———— at illa currere in urbem,

Canidia dentes altum Saganae caliendrum. l. i. Serm.

veterum Scholiastarum plerique autumant. Quibus etiam suffragari videtur
 cit. recens Fabri editio, Solebant, inquam, vetula edentula & calva, ut fœdita-
 tem suam tegerent, arte factos dentes inferere, & falsam comam adponere. Hoc
 ergo, concludit, Horatius caliendri voce significat &c. y) Poll. l. 2. z) ἀπὸ τῆς
 Φενακίζειν, à fallendo, decipiendo, juxta Eustathium. Cui tamen ex diametro
 quasi repugnat Stephanus: Ego, inquam, certè non video, quomodo Φενάκη à
 Φενακίζω immediatè, ut ita dicam, deduci queat, sed dixerim potius à Φενάκη
 esse Φέναξ, ex quo Φενακίζω: aut potius (sequendo alteram deductionem)
 à nomine Φέναξ esse Φενάκη & Φενακίζω. vid. tom. ejusd. IV. thes. Græc.
 lingv. f. m. 78. aa) apud Suid. Schol. Aristoph. & Eustath. bb) Hanc vocabulo-
 rum trigam Eustath. sic distingvit: πλέγμα τριχῶν εἰς ὃν δὲ ἀποπλήγον ὁ
 ὅτι ἀνδρῶν κρωβύλⓈ, ὅτι γυναικῶν κόρυμβⓈ, ὅτι παιδῶν σκορ-
 πίος ἐκαλεῖτο. cc) Musa Attica, cujus (Cic. teste in orat. de Sen.) sermo melle-
 dulcior, l. i. παιδ. dd) Tertull. de cult. fœm. c. IV. ee) Früs. lib. epigr.

Sed quia calvitium naturæ turpe videtur,

Illud hypocritico crine sophista tegis.

ff) Cæl. Rhod. l. VII. antiq. lect. c. XXIII. f. m. 317. B. gg) Lotich. comment. in Pe-
 ron. l. 2. c. IV. p. 173. hh) Nazianz.

Ne caput ædifices ascito fœmina crine.

ii) Palladius rerum rusticarum scriptor.

lus, kk) adoptiva ll) coma aliena mm) emtitia nn) adulterina oo)
accommodatitia pp) &c. Talmudicis dicitur qq) כְּרִית פֶּאֶר
i. e. Angulus alienus, seu crinis alienus angulorum capitis & fron-
tis. Tantum de Ονομασολογία. Sequitur nunc, svadente Ὁταξίας
μεθόδω,

CAPUT SECUNDUM

De

CAPILLAMENTORUM

ΠΡΑΓΜΑΤΟΛΟΓΙΑ.

§. 8. Ut ergo & hæc cujuslibet oculorum aciei clarè atq; per-
spicue proponatur, considerandum 1) arbitror λόγον τὸ τί ἐστίν, sive
ὅρισμόν seu definitionem, 2) τὴν τὸ ὅρισμὸν εἰς μέρη ἀνάλυσιν, ἢ δι-
αίρεσιν, vel divisionem.

§. 9. Definitionem constituimus sequentem: *Capillamentum*
est congeries crinium, ab hominibus contexta, ad protegendum, vel or-
nandum caput.

§. 10. Genus est congeries, quia terminus hic latior suò defini-
tō, quippe qui etiam de lapidum, tritici, lupuli, aliorumq; conge-
rie hinc inde usurpatur.

§. 11. Differentiam quod attinet, illa desumpta est à causis, ef-
ficiente scilicet, materiali, formali, & finali. De quibus singulis sin-
gulatim.

§. 12. Causa capillamentorum Efficiens, ὡς ἀπλῶς εἰπεῖν, sunt
homines, à quibus contextuntur, formantur, conficiuntur. Hos *Ran-*
gon vocat rr) capillamentarios, item capillamentorum magistros.
Græcè forsan, si ὀνομαζοποιεῖν liceret, haud ineptè adpellari possent
τριχωμαζοποιοὶ, conveniret etenim cum Germanico nostro *Barbic-*
fenmacher; adde, quod aliàs multa quoq; ejusmodi ὑπὸ τῆς ποιεῖν sic
formari soleant. v. g. *ξηυμαζοποιὸς*, *μαχαιροποιὸς*, *χαλινόποιὸς*, *τει-*
χοποιὸς, *χλαμυδοποιὸς*, *ῥοδοποιὸς* &c. De quibus *Scap. Steph. Gesn.*
& alii.

§. 13.

kk) Mart. l. 6. epigr. 57:

Mentiris falsos unguento Phæbe capillos.

ll) Chabot. in Horat. l. c. mm) Hier. l. 2 Ep. 18. nn, oo) Lotich. l. c. & Mart. l. 6.
Epigr. 12. ad Paul. Fabull. pp) Steph. sub voce Φέναιξ. qq) de eo disputant
Talmudici Schabb. c. 6. f. 64. 2. Nasir. f. 28. rr) in lib. de capill. sing.

§. 13. Sed paulò ad rem propiùs. Quibusnam ex his, de quibus dictum hominibus, mirum hocce capillamentorum *εὑρημα* propriè competit?

§. 14. Gallis, inquit vulgus, nec ulli gentium ante hos alii.

§. 15. Verùm hoc vulgus *ἀνισορήτως* satis καὶ ἀβελβαίως maxime: utpote qui ex veritate pauca, ex opinione verò multa æstimat, sicuti Cicero ss) verè simul ac sapienter loquitur. Multò autem aliud Eruditorum probant historiæ. tt)

§. 16. Probant enim haud obscurè, capillamenta, seu, quod idem est, galericula, jam antè non solum in usu fuisse apud Romanos, verùm etiam apud Græcos & Persas; quid? quod apud Medos quoq; & Hebræos.

§. 17. Apud Romanos in usu fuisse testatur Svetonius, qui uu) maximorum quondam Principum familiaris fuit, de Caligula scribens, ww) quod ganeas & adulteria celatus obierit capillamento xx). Et idem de Claudio yy) Nerone, quòd post crepusculum statim, arrepto pileo, vel zz) galero, popinas inierit, circumq; vicos vagatus fuerit lubibundus. Sic itidem gemellâ ratione de Othone aaa) Sylvio, quòd modicâ fuerit staturâ & male pedatus, scambusq;. Munditiarum verò adeò muliebrium, vulsò corpore, galericulo bbb) capiti pro-

ss) in Orat. pro Rosc. Et pro Plancio: Non est, inquit, in vulgo consilium, non ratio, non discrimen, non diligentia. Hinc Plato: Οὐκ εἰς σπινθήρας γε καὶ αὐφύγεις, εἰς τὰς πολλὰς ἀναφύων. in Alcib. tt) Cicero: Historia, inquit, est testis temporum, lux veritatis, magistra & memoria vitæ, nuncia veritatis. lib. 2. de Orat. uu) Bæcl. in epist. dedic. ad Daniel. Imlinum. ww) Sveton. C. Calig. c. XI. pag. m. 137. edit. Argentorat. xx) Interpres Casaubonus inter alia hunc in locum sic commentatur: Capillamentum est *πηνίκη*. Autor Satyrici, evocatumq; me non decoro minus exornavit capillamenao, imò commendatior vultus enituit, quin * flaurorum corymbio erat. Puto, scribendum, quia flaveo ornatum corymbio erat. Svetonius in Othone galericulum vocat p. 410. yy) Sveton. de Claud. Ner. c. XXVI. p. 204. zz) Interpres: καὶ ἐδόκει μὲν πῶς λανθάνειν καὶ γὰρ ἐδῆσι ποικίλαις καὶ κόμαις περιθετοῖς ἄλλοτε ἄλλαις ἐχεῖτο· ἤλεγχετο δὲ ἐκ τῆς ἀκολυβίας καὶ ἐκ τῶν ἔργων. Ex Dione. aaa) Sveton. in Oth. c. ult. p. 242. bbb) Interpres: Veteres quum capite nudo essent, & calviciem urbanorum dictis esse obnoxiam experirentur, ad eam celandam instituerunt pelles quasdam parare, appositis crinibus humanis, sic, ut aptata capiti, cutis vera, non coma adscititia videretur p. 536.

ti propter raritatem capillorum adaptatō, ut nemo dignosceret.
Huc etiam facit Satyricum illud Juvenalis : ccc)

-- Claudius audi

Quæ tulerit. Dormire virum quum senserat uxor,

Ausa Palatino tegetem præferre cubili,

Sumere nocturnos meretrix Augusta cucullos.

Linguebat, comite ancillâ non amplius unâ;

Et nigrum flavo caput abscondente galero,

Intravit calidum veteri centone lupanar.

Nec minus quod Ovidius cecinit : ddd)

Fœmina procedit densissima crinibus emtis,

Proq̃ suis alios efficit ære suo.

§. 18. Græcorum capillamenta exemplum Aglaidis ostendit, πολυ-
βοῶν τῆς eee) Megacリス filia, quæ Rhodigino teste, à deliciis haud
abesse sciebat, galericulo sive adventitia coma cōtegebat caput; Nec
minus Exemplū Hannibalis, Ducis Carthaginensium fff) celebratis-
simi, qui apposititias parabat comas, quæ convenirent insignioribus
ætatum discriminibus, elegantiori vestitui, hisque subinde mutatis
utebatur. ggg) Adhæc in propatulo est, tantam olim in Græcia fuisse
capillorum copiam, ut etiam extraneis εἰς πωροῦμια vendiderint.
Quod ipsum Stagiritēs sequenti testatum fecit historia, quam Cælius
hocce modo refert : hhh) Erat apud Mausolum Cariæ Regem, Con-
dalus, cujus post Regem facile primus erat dignitatis gradus, ὑπαρ-
χον Græci vocant, atque is, ut videtur, Lyciæ præerat. Cum operæ
pretium arbitraretur, quàm plurimum posset pecuniarum ad Re-
gem mittere, aut etiam sibi congerere, lepidō commentō Lycios
conscript, siquidem intuitus illos ἀγαπῶντας τὸ τεῖχοςμα φέρειν
h. e. comam gratè impendioque nutrire, finxit sibi à Mausolo alla-
tas esse literas, quibus injungeretur ut capillos mitterent εἰς πωροῦ-
μια: ea videtur celebritas quædam deponendæ comæ, quò nomine
oportere illos attondi. Quod si verò præstitutam pecuniarum sum-
mam exolvere in animum inducerent, missurum se, qui ex Græcia

B

capil-

ccc) Satyr. 6. ddd) de arte amand. 6. 165. eee) Coenam enim sic approbat,

ut carniū minas absumeret decem, panum chœnicas quatuor, vini hauriret.

χοῦ. Rhod. l. 8. antiq. lect. c. XL. f. 410. fff) Plut. in vit. ejus f. 94. seqq. ggg)

Quidas. hhh) lib. 16. antiq. lect. XX. f. m. 824. edit. Basil. Aristot. l. 2. Oecon. c. 1.

capillitium affatim adferret. Id quum Lycii amplius perpendissent, & comæ delicias in magno reponerent, conditionem gratissimè admiserunt. Atq; ex hoc facetò commentò magna vis pecuniarum est inventa.

§. 19. Usus verò capillamentorum apud *Persas* quoque viguisse, non sanè est, quod ullum in dubium vocemus, longiusve hîc percontando moremur. Si enim, *Valeriò iii)* teste, Rex eorum omnium *kkk)* maximus tantum olim in luxum effusus fuit, ut propositis præmiis ubique conquirenda curarit nova deliciarum ac voluptatum genera, quidni etiam capillamenta, & imprimis capillamenta Medorum ut proxima? Præsertim quum hæc ipsa tantum olim hominibus leporis ac pulchritudinis addiderint, ut spectantium animos haud quoque rarò in admirationem traxerint maximam. Hinc etiam *Cyrus III)* cum matre aliquando in Mediam profectus, visò *Astyage*, adpositis (fictis) comis ornatò, præ nimia admirationis magnitudine in hæc erumpebat: *O quam pulcrum avum habeo!*

§. 20. Fuisse apud *Hebræos*, ex *Esaia* μεγαλοφωνοῦ τῶ, quem admodum *Chrysostomo* audit, *mmm)* probabiliter demonstrari potest his *nnn)* verbis: וְהָיָה תַּחַת מַעְשָׂהוּ מְקַשְׂרוֹ קַרְקָרוֹ. Et erit, ut *Arias* vertit, pro opere calamistri [opere & calamistro propter saghol sub Maaseh ex mente *ooo)* *R. Abendanæ*] calvitium.

§. 21. Et posito, id non satis patere ex Scriptura, (quod tamen verisimile: siquidem nihil ab *Hebræo* populo, quod ad superbiam faceret, fuit omissum) multi ipsorum commentarii id satis superq; probant, quod intendimus. *Targum* ad *Esaia* 3, 16. his verbis: אֵילָן מִקֶּפֶן יִפְתְּחוּ עֵינֵיהֶם וְיִשְׁתַּחֲוּּ לָהֶם. Eunt & angulos (capitis sui) circundant, alienis scilicet crinibus. Sic & *R. Salomon ppp)* הָיוּ קוֹשְׁרוֹת פִּיאוֹת נְכִירוֹת קְלִיעֵרֵת שְׁעֵרוֹת תְּלוּשׁוֹן כּוֹרְכוֹת עִם קְלִיעוֹתָיו שִׁירָאוֹ קְלִיעֵרֵת גִּסְוֹת וְטַפְּמוֹת. Alligabant comas alienas i. e. plicationem sive cirrum capil-

iii) *Val. Max.* *kkk)* Referunt enim historiarum patres magnitudinem ejus (*Xerxis* scilicet) se se extendisse in CLXX myriadas, i. e. decies septies centena millia. Myrias enim, uti notum est, numerum significat continentem decem millia. *III)* *Xenoph. lib. 1. παδ.* *mmm)* vid. *M. Joh. Böttiger in Isag. Hist. sect. 2. period. 3. von der Kirchen-Historia des Alten Testaments und andern Alterth.* *lib. 1. p. 51.* *nnn)* c. 3. v. 24. *ooo)* in *Michlol Jophi* pag. 88. 2. in *med.* *ppp)* ad prædictum *Esaia* locum.

capillorum evulsorum circumligabant cirris suis, ut viderentur crassi & equales vel complanati. Huc faciunt præterea, quæ extant in qqq) Talmud sequentia: בין משלהו בין שער בין בחושי אשה וצאן חבירתהו בין משרל בהמה Egreditur mulier cum filis capilli seu sui, seu socie, seu bestie. καὶ ταῦτα μὲν ἐκ τῆς περυσιατῆτος ὑμνωτάτης δαψιλεσάτης μεθέξει.

§. 22. Quibus breviter in solis mensam positis, quis quæso adeo talpæ cæcitatis est, ut non videat, capillamenta potius ab aliis, quam à Gallis orta fuisse? Siquidem ἐκ τῶν λελεγραμένων αὐτομάτως apparet, nullam jam ante ipsos fuisse gentem, apud quam hæc quoque ipsa non viguerint. Quamquam nemo nostrum negatum ibit, in usu apud Gallos præ adhuc reliquis fuisse maximo &c.

§. 23. Efficiente capillamentorum qualitercunq; sic prælibatâ,
pervenendum quoq; nunc est ad ipsam eorundem materiam, ex qua
fiunt.

§. 24. Hanc definitio nostra visendam præbet voce *Crinium*, Festo, ut & aliis, *ἀπὸ τῆς κρίσεως*, h. e. discernendo, distinguendo, seu dividendo nuncupatorum. Causam hujus deductionis *Salmasius* *rrr*) ministrat in Exercitationibus suis, quando dicit, omnes quondam mulieres comam à fronte divisisse discriminali acu, hocq; discrimine easdem à virginibus (quæ cirratae erant) distinctas fuisse. Ut ut verò ornatus ille, quem, sicut idem loquitur, Græci *Δίχρησις* vel *Δίχρημα* vocant, omnium erat simplicissimus, nihilo tamen minus quandocunque omissus, caput adeò deforme reddebat, ut nihil supra. Hinc *Apulejus* tanta, inquit *sss*), est capillamenti dignitas, quamvis auro, veste, geminis, cæteroq; mundo exornata mulier incedat, tamen nisi capillum distinxerit, ornata non possit videri.

§. 25. Commodè autem, ut revertamur unde paulùm digressi sumus, distingvi possunt in proprios, & alienos.

§. 26. Proprios adpellamus eos, quos sibi nonnulli αὐτομαχέως ac sponte sua abscindi sinunt, posteaq; in galericulorum formam contextos ipsi capillis suis solent imponere.

§. 27. Horum nunc ἀνθρώποι sunt alieni, iiqve vel hominum, vel brutorum.

§. 28. Hominum crines iterum sunt vel à viventium capitibus detonsi, vel à mortuorum.

§. 29. A viventium capitibus detonsi majori semper venduntur precio, vulgoq; audiunt lebendig Haar: à mortuorum verò capitibus minori, & vocantur todt Haar.

§. 30. Utrosque autem sicuti jam olim Lycii à Græcis, & aliæ nationes ab aliis accipiebant: ita & hodiernum nostrates capillamentarii ab Hollandis accipiunt. Eorumq; sanè non paucos, sed ingentem ac penè immensam copiam; imò quod facile adfirmare ausim, plerosque: siquidem tam ex *αυτηκοία*, quàm ex ipsâ quoq; *αυθψία* demonstrare possumus, superioribus nundinis hic Lipsiæ ab iisdem pro 1600. thalerorum pretio venditos fuisse.

§. 31. Comparantur autem à *τριοπωλαιοις*, sive ab ejusmodi hominibus, qui eos revendunt modò perquam variò: vel enim coëmunt eos à Monachis in cœnobiis & Monialibus; vel ab iis, qui in *πρωχοτεροφείοις* degunt; vel à quibusdam aliis ad extremam paupertatis lineam redactis. Taceo, quod haud etiam rarò per torturam examinandis, igne comburendis, patibulo suspensis, decollatis, rotæ impositis, aliisque inhonesto, turpi, ac ignominioso mortis genere extinctis rescindantur.

§. 32. Nec tantum hominum crines ejusmodi capillamentis conficiendis adhibentur, verum, quod profectò maximè *αξιοθαύμαστον*, pili brutorum quoque animantium; præsertim eorum, quorum pili cæteris sunt longiores, promissioresqve. Quorum in numero *οκ αδιπως* primas sibi vendicant ii, qui ab eorum jubis & caudis, ut & caprarum tergis ac lateribus rescinduntur; quippe qui & longiores, & frequentiori quoq; in usu nunc temporis habentur. Dico nunc temporis, quia Aristoteles meminit, etiam *ttt*) suo tempore herinaceorum aculeos à nonnullis pilorum vice gestatos fuisse. Quod ipsum tamen *γελοῖον* magis ac ridiculum, quàm vero simile consentaneumqve videtur.

§. 33. Prius insuper quàm pedem ulterius figamus, transque ad formam eamus, *subjectum ad se recipiens* seu *adherentia* *οκ ατόπως* etiam huc refertur. Est autem illud vel *Quod*, vel *Quò*.

§. 34. *Subjectum Quod* *εν τῷ παρῶν* omnes utriusque tam masculini

ttt) l. 5. de gener. animal.

sculini, quàm sceminini generis sunt homines, qui capillamentis, falsisve peruvvis utuntur.

§. 35. *Subiectum* verò *Quò* ipsa sunt capita, quibus fulcris quasi fulcita superjacent, gestantur, nituntur. Et hactenus quoque materiam, eamq; ex qua, cum subiecto adhærentiæ. Nunc μέχρ' quoque τῆς δύναντος contemplemur formam.

§. 36. Contemplemur autem, quoad externè oculis usurpatur. Sicuti enim capillamentum res artificialis est: ita artificialem etiam formam hîc exhibere tenemur. Methodi melioris ergò producemus capillamenta 1) ratione coloris, 2) ratione crispationis, 3) ratione figurationis.

§. 37. Ratione coloris διχολόμως partimur in *nativum* & *adstititium*. Ille connascitur; hic arte obducitur. Et sicuti colores, autore *uuu*) *Philosopho*, sunt vel *extremi*, vel *intermedii*: quorum illi sunt, color *albus* & *niger*, hi verò *rubeus*, *flavus*, *viridis*, *purpureus*, *cæruleus*: ita capillamenta adfecta coloribus. Sunt autem frequentiora *flava* *www*) ac *nigra*, rariora *alba*, omnium rarissima cæterorum galericula colorum. Amplissimus sese hic excurrendi campus offerret, qui varii colores fiant ac præparentur; verum πολυελεστάτ' illius ἀναλώματα *Q* memores vela meritò contrahenda putamus.

§. 38. Ratione crispationis ἀξιωματικόν *Q*ν, nos hîc non agere de crispatura *comarum*, quâ de videatur *xxx*) *Aristoteles*, sed de crispatura *galericulorum*. Semel fit funiculis, quibus crines intorquentur: deinde bacellis, eodem propè modo. Posteriori capillamentarii priorem præferunt. vid. *yyy*) *Junius*.

§. 39. Ratione figurationis. Planum atqve apertum hoc fiet, si partium distinctiones corporis, quibus adaptantur, paulò accuratius consideraverimus. Etenim aliud est capillamentum quod *vertici*

B 3

zzz)

uuu) lib. de sensu & sensil. p. 1432. ex quo *Stier. Phys. tr. 6. part. spec. c. 19.*
www) De flavis Poppæ crinibus, Guevarra narrat, quod si quis eorundem exciderit, Nero ejusdem amore captus auro statim includendum, Junoniqve sacrificandum curarit. De quo *Horolog. Princip. vid. Proæm. gener. ad Carol. V. 18. p.*
Ex quo postea germanicè reddidit *Joh. Moll. in Allegor. prof. sacr. part. prior.*
xxx) l. 5. de gener. animal. c. 3. ubi naturaliter crispitudinis causas prolixè effert. *yyy*) *Junius de coma*, ubi multis de crispatura differit.

zzz), aliud quod *faciei* additur five imponitur. Quod vertici additur, iterum est vel *ὀλικὸν* seu totale, quod *totum verticem* tegit, vel *μερικὸν* five parziale, quod in communi vocatur eine *Thoure / Zöpfte* / quorum illud apertò vertice nec crinibus clauso & obtecto circulum exhibet. Capillamentum quod *faciei* accommodatur est vel barbae, vel *superciliorum*: Quæ tamen apud nos non facile adhibentur. Testimonia eorum vide apud *Rangonem. aaaa*)

§. 40. Restat ad Finem nos conferamus. Exhibet definitio nostra geminum his verbis: ad *protegendum* vel *ornandum caput*. Finis ergò (1) *protectio* Quemadmodum enim in moralibus vim vi repellere licet: ita non quoque minus vim frigoris capillamentis possunt abigere percommode. Quòd si non vitio vertitur si quis pedem pluribus induerit tibialibus; si uno item & altero amictus indusio inceserit; cur capillamenta ἐξ ἀνάγκης imposita sinistrè interpretemur?

§. 41. Finis (2) est *ornatus*. Quemadmodum enim in multis Scripturæ locis *bbbb*) capilli ipsi commendantur: ita non videtur esse, cur contexta illis galericula vituperemus, curvè caput hisce tegenti unquam succenseremus; quum præprimis ipsæ paginæ *cccc*) sacrae calviciem probro habeant maximo, multiqve eandem sicut *dddd*) olim,

zzz) Adfigitis præterea nescio quas enormitates sutilium atqve textilium capillamentorum, nunc in galeri modum quasi vaginam capitis & operculum, verticis, nunc in cervicem retrò suggestum. *Tertull. de scem. cult. aaaa*) *Rangon de capill. c. 8. membr. 7. pag. 187. 188. bbbb*) *Numer. 6, 5. Judic. 16, 13. 2. Sam. 14, 26. 27. Cantic. 6, 1. c. 5, 10. Apoc. 1, 14. cccc*) *Esa. 53, 25. dddd*) *pueri Bethelenses Elisam, 2. Reg. 2, 6. 23. Ovidius:*

*Turpe pecus mutilum, turpis sine gramine campus,
Et sine fronde frutex, Et sine crine caput.*

Apulejus: Mulier etiam venustissima, si capillitio nudetur, licet illa cœlo dejecta, mari edita, fluctibus educata, licet, inquam, Venus ipsa fuerit, licet omni gratiarum choro stipata, & toto Cupidinum populo comitata, & balteo suo cincta, cinnama fragrans, balsama vorans, si calva processerit, placere non poterit ne Vulcano quidem suo. *Et D. Ambrosius l. 2. Hex. Coma*, inquit, est reverenda in senibus, veneranda in sacerdotibus, terribilis in bellatoribus, decora in adolescentibus, compta in mulieribus, dulcis in pueris. Tolle arboris comam, arbor ingrata est, tolle humani capitis capillitium, tota pulchritudo flaccescit. citant. *Rhodig. lib. X. antiq. lect. f. m. 498. Hinc etiam Jul. Caesar* quia calvus fuit, ideò nihil acceptius à populo Romano accepit, quàm lauream. *alleg. L. Domit. Brunsen. l. 2. c. XVI. de calvicia pag. m. 159.*

olim, ita & hodiernum fronte excipiant supercillofissimò, exceptam deludant, delusam despiciant, despectamq; adeò contemnant, ut nihil supra.

§. 42. Verum enimverò sicuti aliàs in omnibus *χρήσις ἀκατὰ-χρήσις* sive usus ab abusu cautè diligenterq; discernendus: ita profectò etiam hâc in parte. Palliant *ecce*) vitia virtute homines; quod ipsum pari ratione in *τρίχωμα τὸ φόρεσις*, ut hòc vocabulò utar, sive in ejusmodi hominibus qvi capillamenta gestare consueverunt, haud infrequenter quoque solet accidere.

§. 43. Quemadmodum igitur capillorum cultus sit moderatus, nisi quis suâ sponte malè audire velit sapientissimo *ffff*) *Seneca*, aliisq; viris integerrimis: ita nimios capillamentorum quoq; concinnatores modum, qvi omnibus ubiq; sapientibus *gggg*) semper fuit *ὅτι πᾶσιν ἀρεστὸν*, observare decet; ita, ut nec forma omninò negligatur, nec nimis exornetur. Hinc Poëta normam illis præscripsit *hhhh*) notatu dignissimam:

Pectere te nolim, sic nec turbare capillos,

Splendida sit nolo, sordida nolo cutis.

§. 44. Quâ occasionis oportunitate haud forsan incongruè distingvi potest, inter ornare, & inter ornatum nimium adfectare; inter comas alere, & comarum alimentum ultra modum appetere.

§. 45.

eeee) Prodigus liberalis audit; salax humanus, avarus bonus œconomus; Tyrannus magnificus, garrulus eloquens; cui propter ignorantiam aqua hæret, taciturnus &c. *ffff*) *Seneca l. i. de brev. vit. c. 12.* ubi lepidè invehitur in calamistratos adolescentes his verbis: Quid, inquit, illos vocas, quibus apud tonforem multæ horæ transmittuntur, dum decerpitur, si quid proximâ nocte succreverit, deinde singulis capillis in consilium itur, dum aut disjecta coma restituitur, aut deficiens hinc atq; illinc in frontem compellitur: quomodo irascitur, si tonfor paulò negligentior fuit, tanquam vivum tonderet? quomodo excandescunt, si quid ex juba sua in annulos suos reciderit? quis est istorum, qvi non malit remp. suam turbari, quàm comam, qvi non sollicitior fit de capitis sui decore, quàm de salute? qvi non comtior esse malit, quàm honestior? Hosne ociosos vocas, inter pectinem speculumq; occupatos? &c. *gggg*) attribuitur *Eleobul. Lyd. Pythag. Phocyl. Hesiod. & aliis.* vid. *Anton. VValt. Gnomolog. historica-prob. Pindarus Olymp. 13.* canit:

ἐπολα δ' ἐνέκασω μέτερον

Νόντα δὲ καὶ εἰς ἀρεστός.

Horat. l. i. Serm. Satyr. i: *Est modus in rebus, sunt certi deniq; fines,*
Quos ultra citraq; neqvit consistere rectum.

Xenoph. in Hipparch. *Τὸ μετρίον ἐννοῶν οὐκ ἂν ἀμαρτάνοις.*
hhhh) *Martial. l. 2. Epigr. in Pannic. epigr. 99.*

§. 45. Et cur, sicut *iiii*) illa, adeò superbire velimus miselli homunciones, curvè tantas cristas erigere : quùm ne minimam quidem superbiendi, ullasve cristas erigendi causam habeamus. Ad animi trutinam saltem revocemus fragile corpus nostrum, & citra omnem dubitationis aleam in sinum nostrum cum Poëta descendemus :

*Vile quid exornas nitido tam corpus amictu,
Quod cras forte aridis vermibus esus erit.*

§. 46. Sunt nonnulli, judice *kkkk*) *Augustino*, adeò temerarii, ut creatorem ipsum quasi corrigere non dubitent, quando propriis iisq; pulchris crinibus abscessis peregrinos capiti suo admovent : imò alios qui talia non faciunt contemnunt. Hi autem omnium simillimi sunt iis qui ligneis, sed deauratis pedibus incedunt, alios interim, qui tam elegantes pedes non habent, despiciunt, ut ut ipsi alienis incedant pedibus. Longò secius adfecti sunt boni ac multò meliùs, qui, mediam tenentes viam, utpote tutissimam, ejusmodi sibi comparant galeri-
cula, quæ aliis scandala non pariunt, cogitantes cum Apostolo *iii*) : πάντες μοι ἐξέστιν, ἀλλ' ὁ πᾶντα συμμέσῃ. &c. sed ob chartæ penuriam
TANTUM.

iiii) Zu Paris war ein stolzes Weib / die Prangens und Pralens keine Masse wusste / die ließ einer verstorbenen Frauen ihre schöne goldgelbe Haare abschneiden / und brauchte sie auff ihrem Kopffe / als hätte sie so schöne goldgelbe Haar von Natur / ließ die unter den Schleyer herfür hangen. Als sie nun lange damit gepralet hatte / und einesmals auff einer Hochzeit mit zur Kirchen gehen wolte / und überaus prächtig einher trat / da reiß ein angelegter Affe ab / that sonsten nte-
mand nichts / aber der stolzen Fr. sprang er auff den Rücken / reiß ihr den Schleyer ab / und das frembde Haar heraus / daß es auff die Erden fiel / und sie also mit kalem Kopffe für iederman stehen / und außgelachet werden muste. vid. *Alph. histor. M. Sachs. lit. A. num. 28. refer. Joh. Moller. Allegor. prof. sacr. sub tit. von der Gerechtfertigung pag. 217. seq. kkkk*) *serm. 247. de Tempore* : Qvi quantitatē, inquit, vel formam, quam Omnipotens ac prudentissimus Plasmator finxit, in aliam transfigurare contendit, nonnè ei evidenter dicere videtur, qvi se finxit : cur me fecisti sic ? Improba temeritas, Creatoris plasmata vilificare, ut quantitatem suam ac formam, quantum in sese est, in aliud transfigurer : quod si à natura haberet, incomparabiliter se habere diceret. Nec ista dicimus à nobis tanquam ex nobis. Habemus patres nostros doctores egregios, qvi ante nos contra ista scripserunt & irrefragabili autoritate damnarunt. Audiamus (pergit *Augustinus*) *Paulum* Doctorem gentium, de superflua capillatura dicentem Corinthiis : Vir si comam nutriat, ignominia est illi. Cùm enim vir ex ordinatione DEI primatum habeat supra mulierem, qvi contra honorem sui sexus superfluitate capillorum caput velat, primatum suum sibi abjudicat, ut meritò de eo dicatur : homo quùm in honore esset, non intellexit, comparatus est, ut vera dicamus, non tantùm mulieribus, sed etiam jumentis insipientibus. Judicio enim legum jure ad obtenta virginitate dejicitur, qvi privilegio sibi concessò abutitur. *iii*) 1. Cor. 6, 12.